

48

D. D.  
DISSERTATIO PHILOLOGICO-ELENCTICA,  
**IN LOCUM PAULI**  
AD COLOSSENSES Cap. I. v. 12.

QUAM,  
Suffragante Amplissimo SENATU Philosophico in Regia  
ad Auram Academia,

PRÆSIDE  
MAXIME REVERENDO atque CELEBERR. VIRO  
**D<sub>n.</sub> ISAACO ROSS,**  
S. S. L. L. PROFESS. REG. ET ORDIN.

PRO GRADU  
*Candidæ bonorum disquisitioni modeste subjicit*  
**ESAIAS FELLMAN Nic. Fil.**  
Ostrobothnensis.

In AUDITORIO MINORI die XXIII. Junii  
MDCCLXVI.  
H. A. M. C.

---

ABOÆ impressit JOH. CHRIST. FRENCKELL.



## §. I.



ogma de satisfactione & imputazione justitiae Christi per fidem arcte adeo cum illo de gratitudine Christiana per sinceram vitæ sanctitatem se exferente connectitur, ut alterum sine altero consistere nequeat. Hinc, ut utriusque puritati in ecclesia Christi consulatur, ejus quam maxime interest. Utrumque proinde Apostolus in dicto, quod frontispicium dissertationis exhibet, amicissimo jungit connubio. Qua de re cum disquisitionem brevissimam instituere nobis proposuerimus, ea autem sit variorum in fide errantium cum cæcitate impietas, ut nexum hunc variis modis pervertere studeant, Deum precamur, velit nostra conamina ita dirigere, ut in ejus sanctissimi nominis gloriam, veritatem confirmandam & illustrandam vergant. A Te vero B. L. censuram mitiorem, quo par est officio & humanitate, expetimus.

## §. II.

## §. II.

Exordium epistolæ ad Colos. Cap. I., eo artificio, ut Seb. Schmidius in prolegomenis Comentarii in eam loquitur, instituit Apostolus, ut præcipua doctrinæ capita ei inserantur totusque fere Christianismi ordo exponatur. Primum igitur a versu 3. gratias Deo agit pro conversione Colossensium, inspersis simul precibus pro incremento beneficiorum spiritualium ad vers. 11. In versu 12 ad gratias Deo agendas eos adhortatur, quod ipsis tanta beneficia per Christum contulerit. In sequentibus vero de opere redemtionis nostræ fusius loquitur ac Christum ut verum Deum, redemptorem & creatorem omnium prædicat. Doctrinam denique evangelii & ministerium, ut medium per quod ad Christi cognitionem & spem salutis venerunt, commendat, inque illa eos persistere jubet. Ad vers. 12, quem frontispicium exhibet meditationum nostrorum, ut redeamus, de nexu ejus cum præcedentibus non convenit inter Philologos. Quidam eum cum versu 9. jungunt hoc modo:  $\delta\pi\alpha\nu\mu\epsilon\theta\alpha$  & quæ sequuntur per commata intermedia ad 12, ubi  $\tau\omega\chi\alpha\mu\gamma\eta\tau\epsilon\tau$  cohærere volunt cum  $\delta\pi\alpha\nu\mu\epsilon\theta\alpha$ , Paulum scilicet cum Timotheo introducunt orantem v. 9. &c. & simul gratias agentem pro Colossensibus. Sed primo nexus ejusmodi cum remotioribus non facile, nisi summa urgente necessitate admittendus est, præsertim ubi cum prioribus æque bene aut melius fieri potest. Deinde vix evitabitur tau-

tologiæ accusatio, si Apostolus cum Timotheo v.  
12. gratias agere pro Colossensibus dicatur, quod  
jam ab illis præstitum erat v. 3. Nec quæ alii ve-  
g. B. Calovius, hic in contrarium monet, satis fir-  
ma sunt. Unde namque ipsi constat nunc v. 12.  
accessum parari ad tractationem principalem, aut  
non pro Colossensibus tantum sed in communi pro  
omnibus fidelibus ευχαρισταντι exfolvi? Certe non ma-  
gis ex hoc commate, quam aliunde id satis evin-  
ci potest. Quid si quis cum Schmidio hæc adhuc  
ad exordium pertinere credat ipsa tractatione ad  
Cap. II. dilata? Aut omnino cum Heumanno con-  
temnat plane artificiosas istas partitiones?

Longius mihi progredi videtur Blackval-  
lus in Clas. S. qui, dum, ut observavit Dñus  
Wolf. in Curis Phil. & Crit. ad v. 9. commata illa  
9--11. parenthesi ab antecedentibus separari vult,  
*causatus hoc modo structuram sermonis luculentiorem*  
*fore, quæ nunc impedita & distracta videtur, sic effi-*  
*ceret, ut comma 13 referretur ad voces ultimas*  
*versus 8:vi.* Sed solide satis a Viro doctissimo, quem  
diximus, est castigatus.

De cohærentia jam omnium rectissime videbi-  
mur statuere, si dicamus vers. 12um, qua ευχαριστη-  
σι, adeoque constructionem grammaticam pendere  
a commatis præcedentis participio: δυνατεμενοι hoc  
porro ab antecedentibus κατηφοευπτες κη ανχαρομενοι  
hæc tandem per Atticissimum construi in nominati-  
tivo cum περιπατησαι v. 10. Atticorum enim est mos,  
recte

recte monente Schwartio de Solecismis Discipulorum IEsu antiquatis, participia nominibus & verbis propinquiora fere debito casu adjungere, longinquiora nominativo vel accusativo casu ponere, s̄p̄etu casu nominis, ad quod respicere debebat. Qua rem vero non tam unum aut alterum versiculum comma nostrum, quam integrum potius seriem verborum præcedentium a vers. imprimis 3:0, quibus salutis ordo continebatur, respicit, quod jam monuimus innui permaravimus. Minus itaque consulta fuit Salomonis van Till & qui cum illo facit M. Laurent. Mulleri in disp. de stilo idiotico N. T. crisis, qua verba v. 10. καρποφορετος καδικαιομενοι τω περιπτηποι præmittenda judicarunt, ut sic regantur a πληρωθη versus 9: hac præcipue nixi nullius momenti ratione, „quod nominativus parum conveniat antecedenti, περιπτηποι ουας quod καρποφορετος & αυξανεις potius requirat.“ Nam ut taceam eodem forte jure sequentes versus ad 12. incl. περιπτηποι præmitti debere, sufficit per regulam Schwartzianam modo allatam vana nos sollicitudine omniq[ue] barbarismi metu plene liberari, nec opus esse, ut vis aliqua vocum structaræ afferatur.

## §. III.

Verborum ipsorum in textu, tit paucissimis jam subjungamus Philologicam enarrationem, ab officio nostro haud alienum esse videtur.

**Eυχαριστία τῷ πατρὶ.** in codicibus quibusdam latinis legitur Deo patri, sed non æque in græcis, Estio teste. Idemque in Syro, quod in Latinis, esse, notat Schmidius. Syriaca autem versio cum inter antiquissimas N. T:ti omnium confessione sit, antiqua valde lectio illa in græco aliquo exemplari sit, oportet. Paternitatem hoc loco Crocius interpretatur tum respectu Christi, tum nostri. Schmidius autem potius hanc ad Christum tantum referri volt, quoniam in versu sequenti relatio clare fit ad Christum tanquam filium: *Transtulit in regnum filii sui dilecti.* Eoque simul exaggeratur redemptoris beneficium in quo Pater Filio unigenito nostri causa non pepercit.

**Τῷ μαρωσοῦ ημας, idoneos facienti nos.** Non est dissimilandum reperiri hic variationem quandam in codicibus græcis, quibusdam καλεούντι pro μαρωσοῦ legentibus. Propterea autem, quod semel hoc loco instar omnium monuisse sufficiat, paulo diligenter sumus in notanda lectionum diversitate, non solum quia canon criticus explicationem pati nescius est: *nulla interpretatio, cum primis S. oraculorum, ubi de lectionis veritate dubitatur, valet ac firma habenda est:* verum etiam, & quidem præcipue, quia cum audacibus adversariis, qui ruborem omnem ejurarunt, quod cum maxime in Dippelium eique similes quadrat, res futura est, ne his ulla cavillandi ansa aut elabendi rimæ reliquantur. *Γνησομέναι receptæ lectionis, quæ μαρωσοῦται* habet, ex gente Cri-

Criticorum, omnes quantum nobis constat, saltem saniores, tuentur, idque, si quid judicamus, jure optimo. Deinde vel fontem erroris, unde fluxerit illud καλεσσων, sibi detexisse videtur Millius. Videatur scilicet huic viro docto natum ex interpretatione, quod petitum forte fuit ex I Thess. 2:12. ubi Deus sistitur, ut καλεν ουας εις την εαυτη βασιλειαν κρι δοξαν. Optime porro quadrat μανων ad præcedentia, quorum intuitu suos Apostolus hoc versu jubet gratias agere, quod & alii sufficenter ostenderunt, & ex iis satis perspicitur, quæ §. II. de hujus participii nexu reali cum antecedentibus adque illa respectu differuimus. Denique cum pauci admodum sint codices nec illi probatissimi, qui καλεσσων habent, pro nostra parte militat canon criticus, unus e primariis: *lectio quæ plurimum & probatorum codicum auctoritate nititur, præferenda est aliis.*

#### §. IV.

Quomodo transferri debeat hoc loco verbum μανωσων, nonnihil quoque variare sententias videas. *Dignos fecit hic reddendum putavit vulgatus. Idoneos fecit mavult Schmidius, cui nos subscribimus, cum in præcedentibus ut antea dictum, de eo sermo sit, quod Deus Colossenses in ordinem salutis ducendo aptos reddiderit ad spem salutis. Utrumque, quod Deus nos dignatus sit gratis & simul idoneos fecit, conjungunt Chrysostomus & Theophilactus. Qui e doctoribus Pontificiis ex μανων hac exclusus*

excludunt omne meritum, non videntur quicquam habere causæ cur versionem vulgati magnopere defendant. Id tamen facit Estius, existimans, illud dignos fecit hoc loco commodius poni, quam tamen phrasin exponit: *qui dignatus est nos h. e.* illam dignitatem & excellentiam nobis contulit, ut simus inter sanctos, quod fere idem sonat, ac idoneos fecit. Nec abludit Cornelius in lapide, quanquam de sorte Sanctorum locutus, qui hunc in modum testem veritatis agit: *Hæreditas hæc Sanctorum dicitur sors, quia hominibus sine merito, gratis & quasi sortito obtingit.* Unde dilucide sequitur neque uila ex parte hominem ipsum potuisse sibi ad hanc sortem aliquam dignitatem conciliare eoque nec idoneum reddere. Sed appetet ab una parte, veritatem tales confessiones expressisse, ab altera vero hominibus Papæis doctrinam de gratia infusa, quæ dignitatem aliquam & excellentiam involvat, licet non sine apperta contradictione, tueri necessum erat, cui rei & commodior visa est vulgati interpretatio.

Utrum & quo usque *מְאָגֵן* Hebræo וְכִיר & magis Rabbinico קַרְבָּן respondeat, quod vult Grotius, non laborabimus, utpote quod hic parum lucis afferret: Satis est disquirere, quid vox illa græca partim supponat, partim comprehendat. Supponit (a) impotentiam hominis naturalem ad mutationes spirituales, quæ requiruntur, ut particeps fiat sortis sanctorum. Recte eatenus Grotius & concinne verba Pauli 2 Cor. 3:6. *πελφεζεις Deus nos tanto ministe-*

nisterio optos non reperit sed fecit. Sic Saulus hic intelligit Apostolum, factus est in virum alium, ut olim aliis ejusdem nominis. 1 Sam. 10:6. (b) Redemptionem Christi, qua is redemtionem peccatorum omnibus hominibus reddidit posibilem sive acquisivit, ut cum Theologis loquar, sicut solis illis re ipsa confertur sive applicatur hoc beneficium, qui ordini divinitus constituto se attemperant. Nisi Servator agendo & patiendo pro hominibus satisfecisset, peccata hominum & perfectæ obedientiæ defecetus in perpetuum obstitisset, quominus Deus eos vel potuisset, posita licet maxime voluntate, idoneos facere. Sed satis de suppositis ~~re manu~~. Quid vero involvit hoc verbum, quod alterum est a nobis eruendum? Respondemus omnes actus divinos in hominem transeuntes, quiue ad gratiam prævenientem, præparantem, operantem & cooperantem referri solent. Hisce in homine, si prævios Dei operantis motus resistendo voluntarie non impedit, statim ut effectus respondent, primo quidem excitatio intransitiva, quæ nuncupatur, deinde, si hæc recte ad mentem Numinis adhibetur, ipsa conversio sive regeneratio, quæ itidem intransitivæ nomen gerit, denique omnes reliqui gratioli effectus conversionem sequentes. Per se autem patet, nobis de rationis usu jam pollutibus sermonem esse, non de infantibus. Sunt autem hæc duo sollicitate præsertim in praxi a se invicem secernenda. Teste quippe experientia maximo abusui prohdolor! obnoxia est hæc distinctio turpiterque confunditur.

excludunt omne meritum, non videntur quicquam habere caussæ cur versionem vulgati magnopere defendant. Id tamen facit Estius, existimans, illud dignos fecit hoc loco commodius poni, quam tamen phrasin exponit: *qui dignatus est nos h. e.* illam dignitatem & excellentiam nobis contulit, ut simus inter sanctos, quod fere idem sonat, ac idoneos fecit. Nec abludit Cornelius in lapide, quanquam de forte Sanctorum locutus, qui hunc in modum testem veritatis agit: *Hæreditas hæc Sanctorum dicitur sors, quia hominibus sine merito, gratis & quasi sortito obtingit.* Unde dilucide sequitur neque uila ex parte hominem ipsum potuisse sibi ad hanc sortem aliquam dignitatem conciliare eoque nec idoneum reddere. Sed apparet ab una parte, veritatem tales confessiones expressisse, ab altera vero hominibus Papæis doctrinam de gratia infusa, quæ dignitatem aliquam & excellentiam involvat, licet non sine apperta contradictione, tueri necessum erat, cui rei & commodior visa est vulgati interpretatio.

Utrum & quo usque *מְאֹרֶב* Hebræo זכִיר & magis Rabbinico זָכַר respondeat, quod vult Grotius, non laborabimus, utpote quod hic parum lucis afferret: Satius est disquirere, quid vox illa græca partim supponat, partim comprehendat. Supponit (a) impotentiam hominis naturalem ad mutationes spirituales, quæ requiruntur, ut particeps fiat sortis sanctorum. Recte eatenus Grotius & concinne verba Pauli 2 Cor. 3:6, *περιφέρει* Deus nos tanto ministe-

*misterio optos non reperit sed fecit.* Sic Saulus hic  
 intelligit Apostolum, factus est in virum alium, ut o-  
 lim aliis ejusdem nominis. *I Sam. 10:6.* (b) Redem-  
 tionem Christi, qua is redemtionem peccatorum  
 omnibus hominibus reddidit possibilem sive acqui-  
 sivit, ut cum Theologis loquar, sicut solis illis re-  
 ipsa confertur sive applicatur hoc beneficium, qui  
 ordini divinitus constituto se attemperant. Nisi Ser-  
 vator agendo & patiendo pro hominibus satisfecis-  
 set, peccata hominum & perfectæ obedientiæ defe-  
 tus in perpetuum obstitisset, quominus Deus eos  
 vel potuisset, posita licet maxime voluntate, ido-  
 neos facere. Sed satis de suppositis ~~et manu~~. Quid  
 vero involvit hoc verbum, quod alterum est a no-  
 bis eruendum? Respondemus omnes actus divinos  
 in hominem transeuntes, quique ad gratiam præ-  
 venientem, præparantem, operantem & cooperan-  
 tem referri solent. Hisce in homine, si prævios  
 Dei operantis motus resistendo voluntarie non im-  
 pediat, statim ut effectus respondent, primo qui-  
 dem excitatio intransitiva, quæ nuncupatur, deinde,  
 si hæc recte ad mentem Numinis adhibetur, ipsa  
 conversio sive regeneratio, quæ itidem intransitivæ  
 nomen gerit, denique omnes reliqui gratioli effe-  
 tus conversionem sequentes. Per se autem patet,  
 nobis de rationis usu jam pollutibus sermonem es-  
 se, non de infantibus. Sunt autem hæc duo solli-  
 cite præsertim in praxi a se invicem secernenda.  
 Teste quippe experientia maximo abusui prohdo-  
 lor! obnoxia est hæc distinctio turpiterque confun-

ditur excitatio cum conversione. Quoties queras eorum, qui Zioni Dei ac rebus ejus sincere cupiunt, audimus acerbas de ingenti illorum numero, qui valide a Deo excitati ad pristinum soporem nihilominus paulatim relabantur, cessante scilicet impetu illo bonorum motuum, qui ante conversionem, gratiae prævenientis & præparantis vi, in excitatis saepe sese ad tempus exferunt, & tamen hunc statum deploranda fallacia naturæ gratiam mentientis pro vera regeneratione habeant, ipsis sibi omnium gravissime & pœriculocissime imponentes.

Quid igitur, inquies, discriminis inter duo haec statuendum existimas? Differunt primo *definitionibus*. Quid sit conversio vel ex compendiis quibusvis Theologicis constat. Quum vero dormire dicatur moraliter homo vel conscientia ejus, si notitiam legis divinæ, quam vel habet vel habere poterat, non reipsa adhibet ad dijudicandam moralitatem status & actionum suarum coram Deo, eoque nulla fere tangitur sollicitudine regenerationis suæ & salutis æternæ: *Excitari* autem sive expurgisciere, si quæ causa debitam applicationem legis ad statum illum eoque sollicitudinem hanc efficit, patet *excitationem* recte definiri per mutationem hominis, qua ex lege intelligens periculum status sui respectu S. Numinis sollicitus fit de conversione sua & salute, licet nondum veræ fidei particeps. Illustrari & simul confirmari solet notio haec, præter alia,

alia, exemplo Nicodemi Joh. 3. cui per miracula Christi jam excitato regenerationis nihilominus commendat necessitatem. Deinde *mediis*. Ad homines excitandos qaria valent, quæ in se vim convertendi non habent, e. gr. in Nicodemo, miracula, in aliis graves & diuturni morbi aliaque infortunia, non raro somnia notabiliora, ceu historiæ notant. Et quot non horrendis tempestatibus, quæ tonitru & fulminibus præter consuetudinem sævierunt, fuerunt e securitatis sopore, observantibus passim Theologis, excitati ad res suas, quo in loco coram Deo sint, penitus considerandas? Plures forsitan & citius, quam si vel centum conciones iidem audivissent. Conversionis media propria ad hoc divina efficacia pollutia sunt verbum Dei & Sacra menta. Quod non ita capiendum ac si ullum hominem verbo Dei excitari iremus inficias, quod potius ambabus, ut ajunt, concedimus. Interim experientia teste, verum manet, plerosque peccatores altum adeo in miseria sua stertere, ut vix ac ne vix quidem ad vocem S. Numinis in verbo ritte attendant, nisi aliis rebus ad hoc prius excitentur.

Porro excitatio est via ad conversionem, quæ proinde illius est *scopus*. Denique *operationibus* hæc ipsa inter se distingvuntur. Fusius de hac re Friesenius, quo B. L. allegatum volumus, in Utvalda Betraktelser öfwer Sönd-Högtids=re. Dagars Evangeliska Texter, veri. Svec. Treenighets Söndag pag. 537. seqq. Non possumus tamen, quin speciminis

loco in illorum gratiam, qui librum ipsum nondum  
inspexerunt hæc ipsius verba ex applicatione con-  
cionis citatæ in praxi utilissima atque ita lectu di-  
gnissima, afferamus.

= Frågar du: Hvaraf kan  
 „jag weta/ at jag är blott upväckt? Jag är skyldig  
 „at gifwa dig et kännetecken/ hvaruppå du sådant  
 „kan märka. Du kan weta det deraf, om du på den  
 „tid din samwets=oro börjar minskas/ åter kan ås-  
 „ska synden/ och med ndje begå någon wiß synd/ af  
 „hwad namn hon vara må. Sliter icke hjertat sig  
 „löst ifrån alla härskande synder/ så är det goda/  
 „som hos dig har håndt/ intet annat/ än en blott  
 „upväckelse. Ty om du hade hunnit til en grundes-  
 „lig omvändelse/ så skulle dit hjerta warit fritt och  
 „löst ifrån all kärlek til synden; följakteligen dock ifrån  
 „alt deß herrawälde.

Sequitur ulterius in commate nostro *μας*, quod  
Calviniani de solis electis interpretantur, quemad-  
modum nec aliter per hypotheses receptas possunt.  
Rectius alii, imprimis Nostrates de omnibus vere  
Christianis cum Hunnio exponunt. Etenim Colos-  
senses, qui Christo nomen dederant, intelligit Apo-  
stolus, quis vero sibi persuadeat hos omnes omni-  
no electos fuisse? Immo huic Calvinianæ expositi-  
oni repugnant verba Com. 23. Εἰ γέ επικείπεται τη μητερ-  
τεθεμελιώμενοι καὶ εδεῖσι, καὶ μη μεταποντιζενοι από της ελπί-  
δος τα ευαγγελιας κ πιστοτε, τα κηρυχθεντος ει πασῃ τη επο-  
στη τη υπο των φελον. Dum vero Paulus *μας* non *υμας*  
dicit se ipsum cum Timotheo includit,

Tan.

Tandem ad quid idonei facti sint, indicatur: Εἰς τὴν μερίδα τοῦ κληροῦ τῶν αγίων εἰ τῷ φωτικῷ κληροῖς unde κληροῶ sorte lego, deligo, quod sortem Math. 27: 25. proprie notat, ut cum dicimus fortis jacere, varia habet significations: quid hic inferat multum se cruciant rerum Philologicarum studiosi, inter alios Crocius. Hæreditatem hoc loco innui, ut sic secundum quosdam respondeat Hebr. הַלְכָה, possession, hæritas, non est dubitandum. Itaque qua phrasin μερίδα κληροῦ hic nonnulli conferunt Deut. 32: 9. הנֶג בְּהַלְכָה

Quinam sint αγίοι ex iis, quæ modo circa vocem ημας commentati sumus, patet, scilicet vere fideles. Hinc versu 2:0 Colossenses appellantur Sancti, estque is communis Epistolarum, in primis autem Paulinarum, stilus. Neque tamen solos sanctos in regno gratiæ sed etiam gloriæ designari, ex pauculo post dicendis lucebit. Circa formulam εἰ τῷ φωτικῷ illustrandam, ad antiquitatem quandam paganorum recurrentum, putat A. Kerslootius. Respici videlicet vult ad sacra Eleusinia noctu Athenis & aliibi celebrari solita idque ad Cererem colendam, eoque gentium Doctorem innuisse Colossensem incolas non ad tales tenebras, sed ad lucem vocatos. Verum dudum viri præstantissimi atro lapillo notarunt studium illud, quo S. Scriptoribus, verba habes Wolfii ad hunc locum, de rebus & mysteriis sublimissimis differentibus, allusiones ad impurissima gentium sacra tribuuntur. De abusu hoc antiquitatum,

Christianis minus digno, placet unum atque alterum exemplum allegare. Quis sibi persuaderet, reperiri viros doctos, qui magnum mysterium pietatis i Tim. 3: 16. per μυστήρια μεγάλα Cereris, hoc est, modo dictum spurcum ritum in honorem Deastræ illius institutum, explicare sustinuerint, eoque Spiritum Sanctum allusisse serio contenderint? Et tamen id fecerunt non modo Alex. Morus, sed alii quoque, magni cætera interpretes, Wolfio in curis ad locum citatum laudati. Circa Math. 5: 8. *de puris corde in primitiis Julii* vult Vener. Abbas Moshemius Christum respexisse ad purificationes Pythagoricas & Platonicas. Quis autem sibi persuadeat turbam, quæ auditorium tum constituebat, scita Pythagorico-Platonica tenuisse aut magistrum & optimum & sapientissimum ad talia, quæ ænigmata erant audientibus, oculos retulisse? Et annon diversi plane ab illis purificationum ritus Judæis erant notissimi? Sed non vacat istis, licet eorum longe plura afferri possent specimina, diutius immorari. Deinde nondum vel Akerslootius vel qui cum illo faciunt, sacra ista Cereris sacerrima, ut appellabantur, ad Colossenses pervasisse, utut Athenis in usu erant, demonstrarunt. Quæ pro Akerslooti sententia, docte quidem affert Amelius, nondum tamen ultra conjecturam & *non posse*, sive fieri potuisse, ut & Colossensibus notus fuerit cultus iste, progrediuntur. Ast a posse ad esse ex veteri logicorum canone, nulla valet consequentia. 3:0 Ex visceribus textus petitæ res adsunt, quæ cum contra possibi-

sibilitatem opinionis Amelianæ pugnant, tum contrarium ultra verosimilitudinem evehunt. Scribebat noster ad Colossenses. Inter illos non solum paganos, sed etiam Judæos, & hos quidem maximam partem ad Christum fuisse conversos tantum non demonstrarunt Braunius in Selectis S. Lib. I. p. 91. & Heumannus in Erklärung &c. ad hanc epistolam. Quid igitur probabilius quam doctorem salutis suorum cupidissimum ideoque, ut ab iis intelligeretur, operam dantem ejusmodi verbis & locutione usum esse, quæ utrique parti nota satis esset, præsertim cum constet hoc alias ab ipso fieri sole re, quod facile exemplorum inductione, si id nunc ageretur, aut cuiquam dubium esset, posset probari. Jam vero quinam *αγνοι*, quid *τω φως* sibi ve lit, ex sacris litteris V. & N. Test. perspectissimum utrique generi esse poterat. Sed quamnam, quæret quis, *lucem* intelligi vult Apostolus? Non dubitamus & *spiritualem*, qua in his terris fruebantur hi ejus discipuli & *æternam*, quam in cœlis expectabant, innui. Nam I:o hoc syadet locus parallelus I Pet. 2:9 &c. ex quo rectissime ut nobis videtur, præsentia verba illustrat Wolf. in Curis ad hoc comma. Hic commemorari vides lucem, ad quam vocati sunt sancti, sive ut eos appellat Petrus, *gens sancta*. Jam vero æqui rerum æstimatores nobis facile largientur, vocationem divinam non ad solum lumen spirituale sed æternum quoque, ut scopum, tendere. Deinde in consequenti Paulus de regno gratiæ & hinc lumine eo pertinente agit, quod ex versu

14. clarum est: ubi την αφεσιν των αμαρτιών habere dicimur, quod in eos, qui lucis gloriose sunt particeps, non quadrat. Itaque ut evitetur tautologia, par est nostro versu, ut præter gratiæ, etiam gloriæ lucem intelligamus. Præter Wolf. nobiscum sentiunt plures interpres, etiam ex veteribus, quorum in numero Theophylacti verba adduci merentur, quibus præsens & futurum lumen respici docet: - - „In lumine præsenti scilicet & futuro, hoc est scientia. Nam revelatis nobis mysteriis, & lumen viventibus præbuit, ut futuro in seculo fulgentiorem lucem elargiretur. Hinc manifestum putamus esse, sortem, ad quam Deus idoneos fecit Colossenses, utrumque regnum gratiæ & gloriæ comprehendere.

## §. V.

Ex mente Pauli quam arte cohæreant redemptio seu satisfactio Servatoris pro nobis, quæque inde sequitur imputatio justitiae ejus, cum gratitudine Christiana, quæ non modo verbis, sed præcipue animi habitu & affectu ac vitæ sanctitate se exercit, superiora satis docent. Quæ, quo sunt evidenteriora, eo periculosius vinculum istud divellunt, qui plane negant Christum pro nobis satisfecisse ejusque obedientiam nobis imputari, in quem censum summo referimus jure, præter alios, Socinianos & Fanaticos varios imprimis Contr. Dippelium. Ne qua hominibus hisce injuria fieri videatur,

tur, juvat ipsa illorum verba in nexus oculis lectoris subjicere. Cumque ad illos, hoc est, Socinianos quod attinet, publicam suam doctrinam in Catechismo Racoviensi comprehensam habeant, sitque ille ipsis instar libri Symbolici, qui Irenopoli Anno 1659 prodit, inde præcipue placuit sententiam eorum depromere, maxime cum rarer inter nos liber iste sit. Sectione IV. C. 8. p. 269. Germanice ita verba fluunt: Woher beweisest du / daß die gemeine mehnung betrüglich und irrig sey? Respondent: Weil nicht nur nichts in der Schrift dabon steht / sondern auch dieselbe der Schrift und der gesunden vernunft zu wieder ist. Scripturæ contrariam esse satisfactionem Christi, ut evincant, porro pag. 270. ita querunt & respondent. Wie streitet aber diese mehnung mit der schrift? Resp. Weil die Schrift hin und wieder sonderlich aber in N. T. zeuget / daß Gott denen menschen die sünden umsonst vergebe. Aber einer unverdienten vergebung ist nichts mehr zu wieder / als eine solche vorgegebene genugsamthung und gleichwichtige bezahlung. Ulterius integrum cobortem argumentorum & consequentiarum ex ratione contra eam in aciem producunt. Series verborum, quibus hanc in rem utuntur, cum prolixior sit, nec vel temporis, vel instituti ratio permittat istis aut superioribus etiam objectis illorum, qua par erat, cura propulsandis, ac satis habeamus ostendisse, quo in veritatem sacratissimam in clarissimis Spiritus Sancti oraculis fundatam sint animo, sic oblii penitus effati illius, quo utitur

Patriarcha illorum Socinus in defensione contra Eutropium: „Id extra dubium a Diabolo prove-  
„nire, si quis judicia & ratiocinia contra ex-  
„pressum & indubium Dei verbum adhibeat;“ co-  
gimur in illis brevissime refellendis, quæ nostram  
materiem proxime tangunt, subsistere. Scilicet ul-  
timò veritatem divinam, de qua agitur, cœu peri-  
culosam, & quæ veræ pietati & sanctitati Chri-  
stianæ maximum creat damnum, traducunt. Ac-  
cipe mentem hominum ex p. 271. Sage mir doch  
wie diese meynung schädlich sey? Resp. Weil sie des-  
nen menschen thür und fenster zu sündigen auf thut,  
oder doch zur träghheit in ausübung der gottseeligkeit  
führt. Den wenn Christus vor alle unsere auch vor  
die zukünftigen sünden Gott völlig bezahlet hat. So  
sind wir hiermit, von der verbindlichkeit / strafe zu  
leiden frey. Was wird nun vor eine nothwendigkeit  
fromm zu leben seyn? Die Schrift aber bezeuget  
Tit. 2:14. Gal 1:4. I Pet. 1:18. Ebr. 9:14. 2  
Cor. 5:15. Eph 5:26. Das Christus unter andern  
uni daß willen gestorben sey / das Er uns von aller  
ungerechtigkeit errettete und heilige Ihm selbst ein  
Volck zum eigenthum &c. Duo heic in nos vibrant  
teia. Quod ad prius, futurum, ut portæ & fene-  
stræ omnes aperiantur impietati & omnis tollatur  
necessitas vitæ sanctæ agendæ. Respondemus I:mo  
objectionem hanc non novam esse, sed jam Paulo  
oggestam Rom. 6:15. Τι γε; αναρτούμενος, οὐ γε εἰσεν  
επι τοῖσι, αλλ ἡμεῖς καὶ εγενόμενοι. Sed rectissime  
cum illo negamus consequentiam. Nam ex nostra  
expo-

expositione; nemini ipso actu prodest redemptio & satisfactione Christi, nisi in ordinem a Deo constitutum, hoc est, penitentiae & studii sanctitatis se perduci sinat, licet in omnium gratiam sit praestata, adeoque, qua acquisitionem, sit universalis. Ideoque Petrus 2 Ep. 1:8, 9. a doctrina Christiana neminem in acediam precipitari, sed quemvis potius ad contraria omnia impelli docet. 2:do Quod quidam eam ore profitentur, cum nihilominus impie vivant, id non tribuendum est ipsi doctrinæ sed ea turpiter abutentibus. 3:to Ex dogmatibus Socinianis potius latissima porta securitati aperitur, e. g. dum Deum sine satisfactione posse peccata & eorum poenas remittere ganiunt, quod & dulce est evangelium proæreticis peccatoribus, qui peccata a Deo impunita relinqui libentissime audiunt & in justitiam ac sanctitatem divinam maxime injurium, scripturæ præterea a diametro repugnans. Ejusdem comatis est, quod quidam eorum poenas æternas penitus negent & æternitatem earum insufficientur.

Alterum telum erat. "Scriptura duce, passio-  
num & mortis mediatoris nostri finem a Deo inten-  
tum inter alia, esse, ut homines ab injustitia emun-  
daret & sanctificaret sibi populum in peculium." Quasi vero is unicus Dei scopus aut primarius in opere redemtionis fuerit. Nonne eadem scriptura, ut finem primarium inculcat, quæ sustinuit Redemtor, ut ipse pertulisse 1 Pet. 2:21. ubi aperte re-  
spici-

spicitur ad victimas sacrificiales, quæ non pro se,  
sed immolantis peccatis mactabantur. Quid clarius  
2 Cor. 5: 15. ὅτι πάντων απέδωσεν, οὐαὶ οἱ ζῶντες μηκέτι  
ζῶντος ζῶσιν, ἀλλὰ τῷ υπὲρ αὐτῶν απέδωσεν καὶ εὐεργέτης.  
Sed nil attinet verba profundere, cum copiose hæc  
& solidissime nostrates demonstrata dederunt.

Verum non decet hoc loco Christiani Democriti, quo nomine mire sibi placet Dippelius, obli-  
visci. Quanta audacia non minus, quam impieta-  
te debacchetur homo Fanaticorum procacissimus  
innumeris propemodum scriptorum suorum locis  
in veritatem sacratissimam, quod ob redemtionem  
& justificationem nostram debeamus grati benignis-  
simi Numinis esse, in vulgus notum est. Abs re-  
tamen non fuerit, unicum saltem locum e curis  
ejus posterioribus, hoc est scripto non adeo multo  
ante tempore, quam abiret *sic πόνηται αὐτός*, edito sub  
Tit. *Etwas Neues*/ ubi agit contra D. Wagnerum  
p. 160. seq. Es ist hier gar nicht genug zu zeugen/  
das er (Wagner) in seinem Systemate auch einen  
Artikel hat von der Heiligung und so vielerlei ur-  
sachen zu allegieren, warum man vor die schon em-  
pfangene Rechtfertigung und Erlösung müsse und sola-  
le so viel es menschlich und möglich ist/ heilig seyn:  
Dann alle diese allegirten ursachen sind keinen Pfif-  
ferling wert/ und reduciren sich alle in das decorum  
der Dankbarkeit auf unsrer seite/ und zwar vor chi-  
merique oder pfantastische Wohlthaten/ von denen  
wir niemahl etwas genossen und besitzen/ nemlich vor  
die

Die erworbene imputirte Gerechtigkeit / Vergebung der  
Sünden und Seeligkeit / davor sollen wir mit unsern  
guten Werken im neuen gehorsam Gott danken o-  
der heilig seyn. Valde vereor, ut honestarum au-  
rium offensionem evitem, si quæ in Abgezw. Fatal.  
Affertig. p. 101. seq. in doctrinam eandem pretio-  
fissimam effatit, subjecerim, verum cogit quædam  
quasi necessitas. Ita autem garrit: Wenn jemand  
Gott vor die Vergebung der Sünden und vor die Liebe  
danken wolte / das wäre eben so viel / als wenn Je-  
mand unter den Vorwände der gegen-Liebe Gott ei-  
nen Scheißpott der Sünde brächte um Ihn quasi das  
für zu danken / daß sie nicht mehr vor Seiner na-  
he stüncke.

Reponimus: 1:0 Reconciliationem hominum  
cum Deo, remissionem peccatorum propter Chri-  
stum &c. ridet homo profanus ceu chimerica be-  
neficia, pro quibus nemo gratum animum possit  
testari. Verum ista beneficia firmissimum in S. O-  
raculis habere fundamentum, eoque non sine sem-  
ma impietate pro commentis & fabulis venditari  
sufficientissime Nostrates evicerunt. 2:do Fötens  
ejus similitudo a matula petita locum habere pos-  
set, si, quod singit, docerent Lutherani, Christi ju-  
stitiam hominibus, sine prævia pœnitentia & salu-  
tari mutatione imputari. Cum vero mera sit ca-  
lumnja, merito ei occurrimus verbis D. Fried. Wag-  
neri in Vorber. zu Christ. Democrit. Avotocat. §.  
17. Wenn er uns dafür ansiehet und ausgiehet / so  
kan

Lan uns keiner verdencen/ wenn wir ihn durch abser-  
 tigen/ und sagen/ daß er ein unchristlicher und uns-  
 verschämter Calumniant sei/ und verlangen/ er solle  
 uns erst beweisen/ daß wir solche dinge lehren. Quæ  
 3:to per omnia valent de eo, quando nobis im-  
 putat, omnia quæ tradamus de gratitudine Christia-  
 na, resolvi in merum decorum. Violatio decori  
 nullam post se trahit poenam. Quis autem Luthe-  
 ranorum negavit hominem gravissimo obstringi  
 crimen, si gratum in Deum animum negligat? Præ-  
 terea cui ignotum est, nostros non ex solo capite  
 gratitudinis, sed ex aliis quoque fontibus, v. g. ex  
 mandato divino, natura fidei & fructibus justifica-  
 tionis dulcissimis bona opera derivare? 4:to Quan-  
 do alicubi quærerit, quomodo vera gratitudo erga  
 Deum & Christum per talia opera demonstrari  
 queat, quæ ipsimet (thesin orthodoxam de ope-  
 rum merito ex justificatione hominis excludendo  
 pungit) sollicite ex articulo de justificatione &  
 salute exterminemus? Frivola est sophisticatio. Suf-  
 ficit, quod bonorum operum necessitatem solidis  
 fulcris superstruamus, licet eis cum Dippelio con-  
 tra verbum Dei nullam consummatam perfectio-  
 nem assingamus aut pro causa meritoria justi-  
 ficationis & salutis agnoscere  
 sustineamus.

S. D. G.

## MONSIEUR LE CANDIDAT.

Un homme sage & prudent emploie tout son tems & toutes ses forces aux choses, qui contribuent véritablement à un vrai bonheur. Si un esprit vif & un heureux naturel se joignent à une constante assiduité, ses desseins lui réussiront sans difficulté, & il trouvera sans retardement ce, qu'il cherche. C'est, Vous Monsieur, qui avez fort bien gardé l'occasion & le tems, pour Vous fournir d'une nécessaire notice des sciences nobles & utiles, qui ne laissent jamais ses amateurs sans un vrai honneur & avantage. Les années de Votre jeunesse sont très bien employées & Vous devez aussi à Votre bel esprit & à Votre industrie la couronne d'honneur, que Vous méritez, & que Vous recevrez dans peu des Muses mêmes, que Vous y avez obligés d'une manière digne d'attention. Moi, qui ai l'honneur d'être connu de Vous & qui me compte au nombre de amis, j'ai dû témoigner ma joie dans une occasion si douce & agréable. Je Vous félicite des progrès, que Vous avez fait sur le chemin de la sagesse: Et je ne manquerai point, de Vous suivre avec mes félicitations jusqu'au Sommet de Pinde; pour Vous prouver, que personne n'est plus, que moi

VOTRE

Tres fidèle serviteur & ami  
CHRISTFROI GANANDRE,  
O. B.